

Inatsisartut suleriaasianni § 37 imm. 1 naapertorlugu, Naalakkersuisunut apeqqutit matumuuna allakkatigut saqqummiunneqarput.

**Naalakkersuisunut apeqqutit:**

1. KNI A/S, suliffeqarfiit inuiaqatigiit pigisai allat assignagit, "allaffeqarfissuarmini" atorfeqartut amerlassusaannut sooruna akissuteqarnerattuut "pissutsit tunngaviusut patsisigalugit" paasititsiumangillat (§37 apeqqut, nr. 141-2024)? Sooq "ammasuuneq isertuaatsuunerlu" periuserinagit akiumannginnerannut tunngavilersuutaa akeqquneqarpoq.
2. Inuiaqatigiit suliffeqarfiutaanni "allaffeqarfissuarmini/qullersaqarfimmi" atorfillit amerlassusaasa ilisimatitsissutiginnissaannut inatsisitigut aporfeqarpa?
3. Inuiaqatigiit suliffeqarfiit pigisaanni allani, soorlu Royal Greenland A/S-imi, siornatigut "allaffeqarfissuarmini/qullersaqarfimmi" sulisut amerlassusaat partiimi allameersumut Inatsisartunut Siumumit ilaasortaasumut tamanut ammasumik saqqummiunneqartarnikuuppat (soorlu § 37, nr. 2023-66)?
4. KNI A/S ukiumoortumik nalunaarut akuerineqartoq kingulliusumi (2022-2023) ilaatigut angutit arnallu atorfillit amerlassusaannik assignngitsunik kisitsiseqarput, soorlu "Ikummatissaqarnermik ingerlatsivimmi" angutit atorfillit amerlassusaat 17-iunerarpaat, taamaammat apeqqutigerusunnarpoq: Angutit arnallu qanoq amerlatigisut KNI A/S qullersaqarfiani atorfeqarpat? Akerusunneqanngippat, sooq paasissutissanik assignngisitsisoqarnera nassuiaqquneqarpoq.
5. Naalakkersuisut, Naalakkersuisoqarfiit ataaniittullu, KNI A/S qullersaqarfiup sulisuisa qanoq amerlassuseqarnerinut ilisimannittoqarpa? Taamaanngippat, suliffeqarfik peqquserluffiunikooqisumi paasissutissat nalinginnaasuugaluartut ilisimasannginnerinut nassuiaassisoqarnissaa piumasarineqarpoq.
6. Ingerlatseqatigiiffik inuiaqatigiit pigisaasa "*suliatik aqutsinertillu pillugit paasissutissat tamanut saqqummiunneqartarnerisigut, Namminersorlutik Oqartussat aktianik ingerlatseqatigiiffii isertuaatsuussasut*" Naalakkersuisut "tunngaviusumik" isumaqatigaat?
7. KNI A/S-imut Naalakkersuisoq sorleq piginnittut sinnerlugit akisussaasuutinneqarpa?

(Inatsisartunut ilaasortaq Hans Enoksen, Naleraq)

**Tunngavilersuut:**



# Naleraq

Suliffeqarfiuterput kisitsisunik isertuussivoq. Inuiaqatigiit suliffeqarfiit pigisaat peqquserluffiunikutut saqqummiunneqarnikuusoq KNI A/S, inuiaqatigiit suliffeqarfiit pigisai allat assignagit, kisitsisit nalinginnaasussat pillugit akissuteqarusunngimmat apeqqutit ingerlateqqinneqarput.

Apeqqutigineqartut ullut suliffiusut qulit (10) iluanni akineqareersimanissaat piumasarineqarput. Nutsernerani paatsuungasoqassatillugu kalaallisut allassimasoq aallaavigineqassaaq.